

Il mas-chalch da Sent



Publicaziuns officialas. Cumpara seguond bsögn.

2009/2011

no. 3

7554 Sent, 13 favrer 2009 / rz

Radunanza cumünala

La radunanza es gnüda fixada süls **26 favrer 2009** a las 20.15 in chasa cumünala.

Tractandas:

1. Protocol da la radunanza cumünala dals 18 december 2008, acta 16
2. Lavuratori cumünal Palüzot – Credit brüt da frs. 1'590'000.--
3. Indriz fotovoltaic in connex cul lavuratori cumünal – Credit brüt da sfr. 453'000.--
4. Varia

Tractandas 2 e 3: **Vair missiva allegada!**

Il Cussagl cumünal

Radunanza da vaschins

In gövgia, **26 favrer 2009** davu la radunanza cumünala politica ha lö la radunanza da vaschins.

- Tractandas:**
1. Dumonda da vaschinadi
 2. Varia

Il Cussagl da vaschins

Publicaziuns da fabrica

Reguarda: Fouras geotermicas, parcella 331, Sala 119, 7554 Sent

Patrun da fabrica: STWEG Sala 119, Silvanerstr. 1, 8570 Weinfeld

Profilà: --

Publicaziun: 16.02.2009

Termin da protesta: 08.03.2009

Reguarda: Tet per containers, Chasa da scoula, Saranschasch 241, 7554 Sent

Patrun da fabrica: Cumün da Sent, Chasa Misoch, 7554 Sent

Profilà: 16.02.2009

Publicaziun: 16.02.2009

Termin da protesta: 08.03.2009

Ediziun: Tuot ils plans sun exposts in büro cumünal.

Recuors: Protestas da dret public, cunter quistas publicaziuns, sun d'inoltrar infra 20 dis in scrit, a partir da la data da publicaziun, al Cussagl cumünal.

La cumischiun da fabrica

Orientaziun per Chalandamarz (28 favrer 09)

Ün team da la televisiun austriaca ORF (Universum) fa üna reportascha plü lunga culla tematica „üsanzas“. Tanter oter vegnan ils respunsabels eir a Sent per filmar ün pèr sequenzas dal „Chalandamarz“. Üna part vain registrada la bunura, avant co ir giò Crusch e Sur En (07.00 – 07.40 / 5 – 9avla classa) in differentas giassas.

Urari dal cortegi official:

Crusch ca. 07.45 h (be scholars da 5-9avla)
Sur En ca. 08.20 h (be scholars da 5-9avla)
Sent (Avant Baselgia) ca. 09.10 h (tuot ils scolars)

Traget:

Avant baselgia - Bügliet - Sala - Stron - Surataglia - Vidos - Schigliana - Archas sura - Archas - Schigliana - Bügl süt - Curtin sura - Curtin - Plazzetta - Saglina - Foura da Büz - Chasellas - Plaz - Chascharia

Bal da pitschens:

14.00 – 18.00
20.00 – 24.00

La scoula

**Champatsch
Super-G**

Als agüdots dal
Super-G Champatsch

Stimadas agüdotas, stimats agüdots

Il prüm lessna ingrazchar amo üna jada a tuot quels chi han o vessan güdà l'on passà ad organisar il 24avel Super-G, chi ha stuvü gnir dit giò causa trid'ora.

Eir scha l'augmait da partecipants nun es stat fich grond ils ultims ons, vaina decis da continuar cull'organisaziun da la cuorsa e vain uossa tut per mans il 25avel Super-G Champatsch chi'd ha lö als 1 marz 2009 (la festa da Chalandamarz ha lö ils 28 da favrer!).

Perquai ans permettaina da dumandar eir quist on, chi da Vus agüdots chi vess peida da gnir a güdar in ün o tshel möd la fin d'eivna dals **28 favrer e 1. marz 2009** pel 25avel Super-G Champatsch. I'ns es cler cha sonda pella preparaziun tocca il di da Chalandamarz. Nus prevezain d'ans chattar intuorn las 13.00 pro Sutter.

Nus füssan fich cuntaints, scha Vus As annunzchessat plü svelt pussibel cul talun o per telefon pro Andri Taverna (081/864 95 41 o 079/787 52 44).
--

Grazcha fich
Andri, Christian ed Andri

Eu vegn a güdar pel 25avel Super-G Champatsch ils 28 favrer / 01. marz 2009

Nom:

Il plü jent güdess eu:

- preparar e metter giò la cuorsa (sonda)
- preparar sachins da marena pels agüdots (sonda)
- guardgia portas
- partenza e böt
- büro (glistas etc.)



Cumün da Sent

MISSIVA

per la radunanza cumünala dals
26 favrer 2009

Suottamiss a la votumaziun vegnan ils seguaints progets:

- **Lavuratori cumünal Palüzot**

Daspö 15 ons es confermada la necessità d'ün lavuratori (Werkhof) pel cumün da Sent. Las lavurs vi plü multifarias pel mantegniment da l'infrastructura e per la chüra dal god pretendan ün stabiliment pratic e modern. Tras quel as poja eir accumplir plü bain ed effiziant giavüschs adüna darcheu express da la populaziun e da giasts. Al istess mumaint exista eir ün oblig dad eriger ün local da pumpiers chi accumulaischa las pretaisas da la sgüranza d'edifizis (GVG). Davo chi d'es fuormà il corp da pumpiers Pisoc cun ün concept da lavur modern faja dabsögn eir dals locals adattats i'ls cumüns partecipats. Il local actual da Sent (schler da defaisa chasa da scoula) nun es adattà ni a regard dimensiuns ni a regard access. Implü s'haja in connex cun quist fabricat (vair plan agiunt) eir la pussibilità da s-chaffir ün plazzal da ramassar rument (tuot las differentas sorts), quai chi correspuonda eir ad ün bsögn adüna darcheu exprimi da la populaziun.

Il Cumün ha fat insembel cul uffizi da fabrica chantunal retscherchas a regard il lö e constatà cha la posiziun süel schler da defaisa Tuols ha il plü blers puncts positivs in congual cun otras variantas examinadas, p.ex.: Lö central per tuot ils bsögns; bain accessibel per camiuns; traffic a l'ur dal cumün; integraziun da la gestiun da la piazza da sport; pussibilità da redüer cuosts causa cha la fundamainta es fingià datta; ed oter plü. Dasper quels argumaints esa da manzunar chi's po evitar cul fabricat üna sanaziun necessaria ma eir cuostaivla dal tet dal schler da defaisa.

Il Cussagl cumünal es da l'avis chi saja uossa il dret mumaint per eriger quist stabiliment. Las finanzas s'han uossa tant inavant remissas (sco fingià manzunà aint illa radunanza da preventiv), ed uschè s'haja la pussibilità d'accumplir ün giavüsche spostà fingià daspö blers ons.



- **Indriz fotovoltaic in connex cul lavuratori cumünal**

La produziun d'energia cun mez regenerabels survgnirà fich svelto adüna daplü importanza. Il Cussagl cumünal es da l'avis cha Sent haja fich bunas premissas per as participar in quist sector dal marchà (sulai, god, aua). In connex culla fabrica dal lavuratori esa previs d'eriger süll' ala dal tet vers süd ün indriz fotovoltaic. L'energia prodotta da quel vain inviada illa rait electrica. Il cumün ha survgni la pussibilità da far ün contrat cul EWZ (Elektrizitätswerk Zürich) chi garantischa ün predsch interessant per l'energia furnida.

Proposta

Il Cussagl cumünal propuona a la populaziun da far bun ils credits per l'execuziun dals duos progets propounüts.


Il Cussagl cumünal



FATSCHADA VEST



FATSCHADA SÜD



FATSCHADA OST



FATSCHADA NORD

LAVURATORI CUMÜN DA SENT, PALÜZOT, 7554 SENT
SITUAZIUN M 1 : 500, FATSCHADAS M 1 : 1000, FAVRER 2009
 SERAINA FELIX - GALLMANN, ARCH. DIPL. ETH / SIA, 7554 SENT